

青
海
秦
疏

青

海

春

疏

青海奏疏

為據情奏

聞仰祈

聖鑒事竊奴才接據西甯管轄住京東科爾寺東科爾呼圖克圖呈稱西甯所屬城鄉地方原有該呼圖克圖修理諷誦萬壽經典寺院三處均無廟名匾額懇請轉奏

大皇帝賞賜匾額三方懸掛則神人均感實於寺院得以永護等情前來奴才伏查該呼圖克圖呈請三處寺院均在西甯屬境近年西甯地方回匪猖獗十年疊次侵擾該寺仰賴神庥地方尚未蹂躪刹宇各得保全茲當甯境漸就平靖該

呼圖克圖懇請

頒賞匾額以答靈感可否仰邀

天恩俯照所請

恩賜之處出自

聖主逾格鴻施理合恭摺具奏伏祈

皇太后

皇上聖鑒訓示謹

奏

奉

硃批該衙門議奏單併發

再西甯客土回匪積年猖獗未覩兵威雖屢次乞撫而獷悍之性若不趁此兵力既集痛加懲創終難望其馴帖是以陸續經督臣左宗棠調到楚軍均開赴前敵以期一氣聯絡俾道員劉錦棠易於呼應所有後路堵遏竄匪以及轉運大軍糧餉軍火准左宗棠咨會仍由奴才所部各營上下梭護奴才查自省至碣四百餘里逼近賊巢口隘極繁賊情要劫後路糧餉是其慣技疊經嚴飭各營小心防遏護送自去秋進兵以來雖疊次悍黨突劫均經各營隨時擊退運路尚無阻滯惟烏道崎嶇轉運浩繁頗形艱難奴才因飭防軍開挖牛站大坡山路一百餘里以通車運而利通行去臘左宗棠又

慮後路兵力尚單添撥馬隊二旂步隊一營駐紮紅城大通
一帶騰出奴才所部右營開拔來平合力專顧平碾一路運
事近月以來突匪悉已斂迹其前敵劉錦棠已於去臘二十
九日進剿北川一路一切戰事除仍由左宗棠會報外所有
奴才會商辦理後路情形理合附片奏陳伏祈

聖鑒謹

奏

奉

硃批知道了

為官軍攻拔大通縣向陽堡逆巢大獲勝仗著名逆酋悉數擒斬現籌辦理情形恭摺仰祈

聖鑒事竊西甯解圍後辦理情形臣等於上年十二月十四日

附片具陳在案查西甯附郡地方震懾兵威其求撫者又經

三品卿銜道員劉錦棠推誠相待羣為感動陝回中如崔偉

畢大才高中海土回中如冶福興馬福壽即江湖三楊保元

目者外各回目悉矢志輸誠人心漸定唯大通縣地居邊徼

未覩軍威向陽堡逆目馬進祿下亂泉逆目韓起壽即半角

頭本屬叛員馬桂源馬本源之腹心大通營都司馬壽尤為

狡黠劉錦棠先飭總兵胡萬亨赴大通督收回報所繳賑糧

本形踴躍馬桂源由巴燕戎格遣人暗勾烏壽等糾黨戕
害領賑難民數十人撫回崔偉畢又才高中海等願剿賊自
效劉錦棠派總兵譚慎典率數十騎督同前進十二月二十
六日遇賊於距通十里之姑姑加莊敗之斃賊數十撫回各
隊均有傷亡劉錦棠布置郡防率隊繼進正月初一日悍賊
千餘撲崔偉等營盤崔偉等率馬隊擊走之追殺十餘
里斃賊八九十名生擒四十餘名奪獲戰馬二十六匹鎗矛
百餘件訊出叛弁烏壽之姪賊目烏良才斬之初四日劉錦
棠進兵攻向陽堡提督吳隆海陳汝俊蔣月華等由左路進
提督熊隆名陳啟明繼之提督余虎恩游擊董福祥由右路

進親率提督席大成進中路譚慎典率崔偉各隊排列河西
前西甯鎮總兵黃武賢亦飭游擊黃金福率師來會分道猛
進出巢之賊約二千餘分東西南三面正修砌礮臺見官軍
至拚死抗拒官軍鎗礮齊轟繼以刀矛立斃悍賊數十賊始
敗縮堡中憑堡放鎗擲石官軍於礮石中冒險肉薄而登傷
亡不少吳隆海陳汝俊蔣月華憤甚麾軍燬其堡門奮躍而
入各軍亦攀堞齊登立將巷戰之賊千餘悉駢斬之賊之奪
東牆出走者約尚三四百人熊隆名陳啟明率馬隊及郭麟
寺練總陳海馬隊追殺淨盡堡中賊均遁入二小堡登樓上
屋擲石放鎗仍圍抗拒吳隆海董福祥立破其一尚餘一堡

正派隊圍攻間礮樓屋頂之賊呼號乞命稱為賊目所脅請
官軍緩攻願盡縛賊目以獻問其姓名始知馬壽馬進棧韓
起壽及河西著名匪徒悉在其中當令縛獻者從四十餘人
提馬進棧韓起壽二犯陣前礮死餘逆概予駢誅唯留叛弁
馬壽拘守未誅飭令飛告縣城各回勒限出城並捆獻為逆
者始免剿洗其撫回馬福壽又於賊眾中指認與馬桂源兄
弟暗相勾結之逆回三十餘人悉訊明斬決餘眾千餘概行
釋免奪獲騾馬五六百匹父子鎗二百餘枝刀矛無算糧料
約二十餘萬勦軍威丕震各處回衆聞風畏懼搶鬪哀鳴願
繳馬械獻匪人求免剿洗劉錦棠遂加撫諭令其速繳馬匹

鎗械勿萌異心自干誅戮唯大通營及永安一帶回巢距大通縣城二百餘里尚須移軍剿辦現正料理拔營也臣維西甯地勢遼濶向為回番窟穴山嶺複沓西北逕通關外西南均接青海西藏四十餘年等於絕域聲教久已不行劉錦棠破賊解圍後回衆震於兵威均各歛附惟土客各回多疑善詐自知所犯不赦恐併遭誅戮其黠者復多方煽惑暗肆阻撓此時或操之太蹙必致人人自危兵威一加轉得有所藉口自不得不宣示恩信堅良回就撫之心迨安撫漸多來投者亦請速誅反側自明心迹而後因而用之庶收以回攻回之效又此次大通逆目馬進祿韓起壽等鼓惑叛弁馬壽詭

謀煽變戕害領賑難民孽由自作官軍急起剿之逆目無一
漏網恩信無渝聲威更暢俾誠心就撫者知感挾詐來投者
知畏其於剿撫兼施機宜似尚允協唯烏本源兄弟竄踞巴
燕戎格為時已久雖遍詣各軍求撫而仍巧持兩端暗行勾
結必須迅予殲除臣宗棠已飭總理營務處前山西按察使
陳湜河州鎮沈玉遂率河州太子寺三甲集各營隊伍由河
州前進令撫回軍功馬占鰲馬永遂等各率所部為之前驅
並檄提督劉明燈總兵敖天印分扼米拉溝各要隘以杜竄
越復調降補恭將楊世俊率馬步各營由扁都口一帶移駐
大通冀可速赴戎機比剿辦大通回逆攻克向陽堡逆巢大

獲勝仗現籌辦理之情形也此次血戰陣亡之記名提督效
勇巴圖魯朱南英提督銜記名總兵陳鳳源記名總兵李福
星張大興謝東元總兵銜副將王聯升副將王泰春顏濟勝
易恒升周忠久游擊黃豐太成海清彭傳陞楊丕致都司吳
得勝劉漢成劉正開守備吳福永許得勝謝春和黃玉泉余
祥麟雷春秀陳鳳林周肇堂王昇祥千總武載喜曹福魁楊
遠俊余吉祥胡瑞成戴桂林黃楚湘把總傅長清陳德友邱
清發陳昆志潘甫池陳全順陳大順高占魁秦滿才姚喜庠
戴樹森王放和陳意堂鄧東山陶得勝軍功高發揚何吉祥
彭楚桂宋文彬李有福陳桂堂同知銜候選知縣張恒丹五

品軍功附生吳光燕合無仰懇

天恩飭部各照官階議給卹典以慰忠魂謹合詞具陳伏乞

皇上聖鑒訓示施行謹

奏

軍機大臣 字寄

欽差大臣陝甘總督一等恪靖伯左 西甯辦事大臣豫 同

治十二年二月初九日奉

上諭左宗棠豫師奏官軍攻拔大通逆巢左宗棠奏肅州官軍

攻破城西賊堡請將回目馬占鳌等獎勵各摺片覽奏均悉
大通逆目馬進祿等鼓惑叛弁馬壽詭謀煽變經劉錦棠督
軍進剿攻破向陽堡逆巢並將著名逆酋悉數擒斬剿辦尚
屬得手所有陣亡之記名提督朱南英記名總兵陳鳳源李
福星張大興謝東元總兵銜副將王聯升副將王泰春顏濟
勝易恆升周忠久遊擊黃豐大成海青彭傳陞楊丕致都司
吳得勝劉漢成劉正開守備吳福永許得勝謝春和黃玉泉
余祥麟雷春秀陳鳳林周肇堂王昇祥千總武載喜曹福魁
楊遠俊余吉祥胡瑞成戴桂林黃楚湘把總傅長清陳德友
邱清發陳昆志潘甫池陳金順陳大順高占魁秦滿才姚喜

庠戴樹森王被和陳意堂鄧東山陶得勝軍功高發揚何吉
祥彭楚桂宋文彬李有福陳桂堂同知銜候選知縣張恆丹
五品軍功附生吳光燕均着交部各照官階分別議卹叛員
馬本源等久踞巴燕戎格徧詣各軍求撫仍持兩端暗行勾
結必須迅速剿辦左宗棠已派陳湜等軍由河州前進著即
飭令實力攻剿並嚴扼未拉溝等處竄路以期一鼓殲除大
通一帶回匪仍着飭令劉錦棠等乘勝進兵剿撫兼施速籌
戡定平番碾伯一帶防剿事宜著豫帥督飭所部與左宗棠
派出各營聯絡策應毋稍鬆懈肅州城西賊堡經官軍用地
雷轟破城內賊勢已蹙惟回情狡詐未可輕聽乞撫之詞致

墜詭計現在陶生林等軍計已抵肅兵力較厚著左宗棠飭
令徐占彪激勵將士奮力圍剿迅拔堅城毋任日久盤踞回
目馬占鰲等隨同剿賊出力自應量予獎勵馬占鰲著賞給
花翎五品頂戴馬永瑞著賞給藍翎五品頂戴馬怡真著賞
給五品頂戴將此由五百里各諭令知之欽此遵

旨寄信前來